

龍山縣志卷之十一

風俗

邑風氣猶古也鄉無豪猾之民民懷悃靡之質因其俗而利導之孝悌忠信之行其振起者眾矣學校丕興家絃戶誦冠裳禮樂彬彬乎質有其文矣秀者游於

黌序而樸者力於農畝歲時祈報婚嫁葬祭秩秩乎俗而宜也後漢循吏傳稱任延錫光變移邊俗績用最著然則吾邑教化之成風俗之醇懿舍爲之宰者其復誰屬

龍山縣志

卷之十一

風俗

一

雍正間設學額乾隆間設廩生額由是人知嚮學富家以詩書爲恆業窮苦子弟爭自濯磨亦不以貧廢讀二百年來函濡薰染風氣蔚然其間才俊崛起采藻璘函與中原士夫相埒每屆院試督學者多謂縣屬文風弁冕各邑宜著錄者嘗溢於額土籍子弟氣質移易衣冠語言粲於觀聽力學能文院試列庠序者嘗居其半且有詩書相傳數世不絕者川谷韜靈鬱久而發科第之興其自此盛矣乎

士多申束敦厲篤修貧苦者尤尙氣介未嘗非分干人

不輕至官府或蹈回邪則等輩皆鄙夷之尚義趨公發於忱懇殫其智能無撓艱險嘉慶咸豐兩經寇亂傾餉募勇完固崇墉多資薦紳之力

以上士習

苗民均編入土著甲保內較永鳳乾諸廳州爲少所居依山結屋排比無次第每間枝十餘柱無窗櫺檐戶低小出入嘗俯首室內設火牀翁姑子婦同寢處雞犬棲其下與相習不知爲穢不輕入城市惟賣薪肆鹽間一至而已與客民酬答能效其語言近亦知從師受經通

龍山縣志

卷之十一

風俗

二

習章句至椎牛飲血糾宗械鬪之風久變革無存者

土民多勤劬力田不逐末衣食儉覈富族奢麗一里率二三家或任俠尚氣一語投合傾身與交偶棖觸所忌則反眼若不相知必得報而後已鄉居窮僻不諳科法戾理乞勝強於競訟視糾眾劫鬪爲故常然甚尊畏官吏或彼此有讎覺經世不能解得明察者一言剖決之往往帖首而服近多效客民語言無鳩舌者

客民多長衡常辰各府及江西貴州各省者其先服賈而來或獨身持襍被入境轉物候時十餘年間卽累費

鉅萬置田廬締姻戚子弟以次併列庠序故縣屬巨族自來客籍爲多服食言動皆沿華風至伏臘婚祭一切習尙或各守其祖籍之舊往往大同小異鄉居與土風相染久之不免於纖嗇爭校細微浸成積訟貧窮之戶佃耕爲業並傭役於人大抵性質較馴鮮強梗者

以上民風

冠 邑冠禮久不行婚前一日其親友因其名而字之製小匾鼓樂送至懸於廳蓋亦冠而字之義其父母於是日宰牲牢具饌祀先祖致祝詞宴客醮子謂之賀郎

龍山縣志

卷之十一

風俗

三

其女家父母亦於是日宴女親爲女上頭簪笄謂之帶花酒

婚 門第相當男女年歲相匹其男家則請媒灼向女家求之既許則諏吉期備雞鴨豚蹄香燭等物以鸞榻先書男庚於左至女家書女庚於右曰插香女家酬以荷囊履舄自此或月內或歲內彼此折柬延飲曰會親俗重日者言其先多訪女庚推算之日者曰合則求不合則否然士族鮮信之者將婚前數月備豚酒書婚期納女家曰報期前數日復饋女家羊豕喜餅花釵衣裙

曰過禮親迎禮久不行及婚富家迎女用綵轎鼓樂旌旗紅燈導擁前後貧者常轎均置斗米轎中曰壓轎米轎至女家庭中輿從出女家人閉大門以斗覆轎前女兄弟扶女出拜辭祖先立斗上撒箸一束曰不家食送女者男則伯叔兄弟女則兄弟婦諸姑姊父母不送轎至男家陳酒醴香楮雞一向轎前酬而祝之曰堵煞大門限下燃盞燈列火七星以篩罩之轎過其上曰燭邪堂上設香燭鋪紅氍毹男東立女出轎西立同拜曰拜堂拜畢二女童執燭導入房設酒果更同拜行合巹禮

女童隨持酒交飲之曰交杯酒近有女出轎卽導入房合巹不先拜於堂者初女皆常服帕蒙首自是更盛粧同壻謁先祖曰廟見隨拜舅姑以次拜姻長曰拜大小質明婦以履烏棗栗贄見舅姑並奉茶以次飲諸姻長曰拜茶各贈以喜錢曰拜錢宴婦之伯叔兄弟諸姑姊曰宴上親備饌送婦父母曰報筵婚後或三日十日或一月壻偕婦往省婦父母曰回門匱資厚薄視其家之貧富富者嫁一女或費千緡而貧者弗計也不需厚匱故俗鮮溺女之風女字人亦不重聘

土人議婚多訪其女有私財者然後請媒妁求之既許其女家亦必索重聘嫁時奩資極豐錦被多至二十餘鋪有畀以牛馬者生女將字人其舅氏必索財物既憐而後許之或女多則以一妻舅氏子而諸女乃別嫁謂之還骨種近土民多讀書列諸生講求禮制其風亦漸革苗人舊日婚娶其新婦擎雨蓋自行遇水人負以渡近亦用肩輿鼓吹迎之所居多客籍者並漸襲華風喪 初喪撒帷帳男女皆撒髮披麻縷跽牀前哭泣焚寓錢送之或焚紙轎紙人馬蓋痛死者慮其徒行也既

龍山縣志

卷之十一

風俗

五

浣屍含殮乃下榻陳於地請僧道諷經曰開路男女不時哭泣族戚過唁並助哭環死者坐守之達旦不寐大殮陳堂上設靈供木主僧道又爲諷經曰繞棺並數歌者列歌棺前均達旦乃止成服凡諸宗親外有壻及甥皆爲製白衣衣之諸使役並首白帕貧者三日葬富者數十日數月不等命形家擇吉穴費鉅值不惜葬前二三日開堂設奠至親往奠以羊豕餼饌暨輓帳聯餘祇香燭喪家酬以帛衣各有差又飯僧道供佛或三日五日至葬乃止日作道場迄大小祥及禫亦如之出柩族

戚皆送眡窆畢而返葬後立碑表墓道又有先作誌銘掩壙內者服闋火其靈奉木主堂龕上有宗祠則耐入宗祠邑士族多不信僧道有喪事遵朱子家禮行之

祭 邑人鮮宗祠多供木主家龕上歲節外凡有喜慶事皆祭若祖父母父母其近者則並生忌日祭之初喪供飯寢室逾期乃已清明祭奠前二三日往壘土掃墓道標紙錢樹枝上曰挂白初葬則於社日祭之族戚男女併往摘野蒿襍肉飭煮稻米爲飯曰社飯祭後分餉族戚鄰舍中元日封紙錢爲包焚而祭之有宗祠者冬

龍山縣志

卷之十一

風俗

六

至日爲大祭宰羊豕盛饌醴大小宗男女皆集

苗俗人死度木板於牀昇屍其上男女環哭族戚以糴糧往弔皆助哭極哀無棺殮擇日昇屍山中擲筊卜地掘爲穴周木板衛其屍壘石築土成墳惟當首不壘石恐壓之也三日割牲墓祭族戚併往醉飽而歸明年二月祭於家旣畢則男女皆入山崗曰避鬼其家不舉火不飲食道路不偶語盜攫物不敢問夜臥不敢轉側蚊蚋嘍不敢動懼鬼覺也三年後不祭

節序

立春先一日知縣率僚屬迎春東郊祀勾芒神出土牛散春花結綵亭扮臺閣故事男婦集觀如雲旗幟鼓吹迎入署鄉人掛長鼓隨綵仗擊而歌之曰送新春以土牛色占水旱疾疫以芒神帽鞋占春遲早及晴雨立春日鞭土牛謂之打春鄉民取牛身土塊歸置牲圈曰蕃蓄牧也別以小土牛十餘頭分送士紳家謂之送春

正月元旦絕蚤興盥沐焚香祀祖先放爆竹啟門出先擇方相吉者出距門數十武嚮拜而返日出行觀雲色

龍山縣志

卷之十一

風俗

七

占年穀登耗西北有紅雲氣則稔詣神祠拜祝親友往來相賀皆作吉祥語禁掃除三日

元宵前數日剪紙爲燈或魚鳥龍獅各形羣擊而舞之周走城市至十五夜尤盛簫鼓燈花達旦乃已曰鬧元宵又束草爲女人形立而祝之則身自俯仰若拜然或請紫姑之遺意

二月二日祭坊社祈穀驚蟄後兒童放紙鳶爲戲

春社作米粢祭社神曰社粢值戊日禁犁鋤以土命戊也祭掃新塋不過社

三月三日女童摘地菜花簪首日辟疫氣或和作飯清明插柳葉於門童男以柳圈首亦曰辟疫挈餠醴往祭墓挂楮錢墓樹上祭畢席地痛飲而歸

穀雨節種穀春蚤則社日清明卽播種摘茶芽俗以穀雨茶爲上品芽初茁綴白茸曰白毛尖是日有雨爲應節農家占驗清明宜明穀雨宜暗

土人以四月十八日爲大節作粢宰豕脫爲大嚮糝糯米蒸之享先祖畢環坐啖之兼食客

五月端午懸艾於門飲菖蒲酒以角黍相餽遺研雄黃

龍山縣志

卷之十一

風俗

八

點小兒頭上及手足心云辟疫采百草煎湯男女澡洗云辟瘡疥南河官渡處沿汨羅之風張水嬉鄉村又以十五日爲大端午云其俗自漢伏波始

六月六日喜晴曝衣服書籍逢卯日炊新稻曰嘗新穀尙魚曰有餘不食雞以音類饑也

七月七日看巧雲以天河去來久暫占秋收豐歉中元前三日具酒饌祭先祖將祭男婦序拜迎於門如生歸者十四日焚楮錢仍拜送之

八月初二日祭坊社報土功中秋婦女陳月餅棗栗拜

月農家占驗中秋宜晴若是夜無月則明年元宵必雨
九月九日士人攜酒登高搗米粉爲糕曰重陽糕又鄉
俗以十九日爲大重陽

十月朔至十六日皆宜霜謂霜多則來歲盛木棉也朔
日士民家宰豕作米粢設筵醮賓如度歲然謂之祭冬
然祇洛塔里者爲然餘里則無此風相傳吳著冲是日
沒於洛塔山故也

十二月二十四日日曰小年亦曰小除日祀竈神掃除庭
宇殺豬雞祀先祖曰祭小年親友互相餽遺曰餽年節

龍山縣志

卷之十一

風俗

九

除日治酒饌祀先祖家人團而食之曰團年親友互相
往拜曰辭年多炊米飯供新年初二三日食曰隔年飯
每歲元宵小除夕除夕各叩墳上皆燃燈遠望之如星
列是夕爆竹金鼓比戶相聞家人圍爐宴集達旦不寐
曰守歲

土人度歲月大以二十九日爲歲月小則以二十八日
相傳前土司出軍值除日令民間先期度歲後遂以爲
常是日士民供土司某神位於堂上陳以酒醴魚肉而
置已祖先木主於門後祭時將牛馬雞犬諸物藏洞中

老幼男婦各屏息以待謂某神在堂不敢驚也

農事

邑少田居民賴山土爲常產冬日眠荒坵可墾處薙草
斬木縱火燎之謂之燒畚久荒則地力足經火則土性
鬆迄春加以鋤墜種蒔雜糧甚碩蕃足濟終歲之食
夏月芸苗數家人合趨一家彼此輪轉以次而周芸時
往往數十爲曹中以二人擊鼓鳴鉦迭相歌唱其餘芸
者進退作息皆視二人爲節聞歌謹躍勞而忘疲其功
較倍

龍山縣志

卷之十一

風俗

十

居民收藏膏梁包穀諸種編竹爲困納其實於內以茅
覆之其困皆距門外十數武地謂露風則不蠹朽也或
連稈穗駢挂檐前食時方取之落其實藏甘藷芋魁用
土窖

寒露後收桐茶實持竹竿擊墜之臨深澗則堵其下流
不使隨水而去巖隙鼓薄周搜索之乃止其鄰里男婦
極貧無生業者皆踵於後拾其遺者亦滯穗遺秉伊利
寡婦之意

女功

客籍婦女居城市者嫺鍼繡刺繡花鳥態致天然然多以紡績綿麻爲恆業不飾冶容不輕踰門外偶出必肩輿障以簾帷人罕見其面

農家婦女親杵臼爨業紡績時出門饁耕者於畝或入山樵採背竹籠有穉兒卽置籠中旣背薪則抱於手而歸又有併其夫業耕耘者其勤劬爲甚

土苗婦女善織錦裙被或全絲爲之或閒緯以綿紋陸離有古致其絲並家出樹桑飼蠶皆有術又織土布土絹皆細緻可觀機牀低小布絹幅闊不踰尺向不知製

龍山縣志

卷之十一

風俗

十一

履肆諸人近皆能自製與客籍婦女同

商賈

邑人安土重遠游鮮服賈於外者常澧武昌諸都市歲閒一至而已地僻沮舟車大賈富商不至列居多占籍者俗不尙珍奇所居積皆日用之物風氣故塵囂然無甚狙獍者

工役

各工具備所作室廬器皿多樸遯能經久不尙奇淫伎巧

飲食

山谷居民日食襍糧甘藷芋魁歲荒並采蕨葛濟食取不饑而已居城市者貧富皆飯稻其米精鑿極利養生酒性多峻烈過飲或致病惟糯稻釀者曰甜酒並糟食之性較溫平呷酒糟用膏梁夏月浸以山泉置竹管甕中吸之最能解渴又稱筒酒土人喜飲之士人於五味喜食辛蔬茹中有茄椒一種俗稱辣椒每食不徹此物蓋叢巖邃谷閒水泉冷冽嵐瘴鬱蒸非辛味不足以溫胃健脾故羣然資之

龍山縣志

卷之十一

風俗

三

苗民渴飲溪水生啖菜根得畜肉置火上燎其毛烹半熟卽食之

衣服

男女服飾無詭異視貧富分華樸貧者取足蔽體富則夏冬葛裘應氣候弁履尙時樣粲然耀觀婦女高髻闊袖但平居不繫下裳不飾鉛黛歲節喜慶乃爲之士著者漸與同惟婦女鮮纏足貫耳多環纍纍然綴肩下苗民短衣色青藍繫腰間以紅布兩耳貫銀環跣足青布束其脛婦女衣較微長富者繡以花卉腰不束帶繫

布裙或錦爲之由褰績處青紅間道而下銀圈項其圈摺曼垂胸下赤足不履貫耳多環同土婦舊不袴近識爲恥皆著之不嘗梳髻多以髮結辮盤於首

弋獵

邑人習鳥鎗以擊飛走發無不中取山雉攜囹置其處雉性喜鬪見囹昂頸鼓翅而前先張箐棚手火鎗匿其中雉近自棚隙擊之無飛逸者獵麋鹿各物嗾犬逐之先以人執火鎗伏要隘其物爲犬逐至迎而擊之無不斃或不用鎗則張網各要隘處物鋌而走輒罹網中可

龍山縣志

卷之十一

風俗

三

生執以歸

祈禳

水旱請僧道設壇祈晴雨疾病凡醫治外均聽命於巫其事白帝天王神尤虔有病赴廟祈佑許以牲醴愈則酬之張雨葢大門外供天王神位封牲陳醴饌執黃蠟香以巫者祝而祭之既招族姻席地暢飲乃散鄉鄰忿爭或枉屈不得白就誓神前立解釋大儼供儼神男女二像於堂薦牲牢饌醴巫者戴紙面具演古事如優伶戲者更擐甲執斧徧經房室若有所驅除擊鼓鳴鈺跳

舞歌唱逾日乃已正月二日賽轄神事具祠祀門南嶽宮注八月十五夜亦然但不迎神像不裸體

土民賽故土司神舊有堂曰擺手堂供土司某神位陳牲醴至期既夕羣男女並入酬畢披五花被錦帕首擊鼓鳴鈺跳舞歌唱竟數夕乃止其期或正月或三月或五月不等歌時男女相攜踟躕進退故謂之擺手相傳某土司於前明時調征廣西某縣城守堅屢攻不下時某軍營城南門外乃令其士卒半女粧連臂喧唱爲靡靡之音於是守城者競集觀之並動於歌流蕩無堅志

龍山縣志

卷之十一

風俗

十四

某則以精兵潛逼他門躍而入遂克城歸後演爲舞節蓋亦蹈詠武功之意然桑濮風行或至淫泆忘返近土民讀書講禮教多慚爲是者其俗竟衰息

苗俗尤畏鬼遇冤忿不能雪則並於竹王廟設誓刺貓血滴酒中飲以盟心謂之喫血理屈者多戰栗不敢飲首悔而罷或宰官有不能決者要以喫血則懼每年十月十一日眾醵錢賽會結棚於寨外先殺牛一第一日以苗巫衣長衣搖銅鈴敲竹筒拜而祝之後並如是綜其名曰做鬼明日宰雌豕曰請鬼又明日宰雄豕曰享

鬼第四日祀祖先陳酒肉米餅火牀上既乃集族姻鄰人擊鼓鳴鉦放火銃更迎牛鬼至五日棚左右繫黑白牛各一刺以殺先壻之長者餘以序刺牛既仆視首所向卜吉凶內向者吉外則否更賽祭畢乃剖牛以其肉分遺巫及先後刺者及族姻鄰人餘自食之

氣候

邑地土高下不齊故氣候各異洛塔八面山諸處其最高者四時多嵐氣浸晨瀰漫行者十步前後不相見值午晴始開霧合卽雨連日不散雨不止九月卽雪積至

龍山縣志

卷之十一

風俗

五

春後始消盛夏如秋冬被不去棉不揮扇無蚊蠅秋後農功畢各閉戶擁薪火不輕出春時乃作於外嘗過其地值大雨下至山半途中無滴漑積雪深三尺平地不過寸許偶見卽消縣城他砂諸處時節甚正與方內同隆頭麥子坪地氣尤溫和其收穫較縣城他砂嘗蚤一月